


**Ni Presidente
Dieter F. Uchtdorf**
Maikadua a Mammagbaga
iti Umuna a Pangulue



Makitatayo kadi ti Cristo?

Maysa a rabii ibasbasaan ti maysa a lelong ti estoria iti apokona a babai nga agtawen iti uppat idi tumangad daytoy ket kinunana, “Lelong, kitaem dagidiay bituen!” Immisem a siaayat ti lakay ket kinunana, “Addata iti uneg, dungngo. Awan dagiti bituen ditoy.” Ngem impetteng ti ubing, “Adda dagiti bituen ditoy siledmo! Kitaem!”

Timmangad ti lelong ket, iti siddaawna, nakitana a nawarasan ti kisame iti sumilsileng a metal. Saan a makita daytoy iti kaaduan a gundaway, ngem no kasdiay nga anninawan ti lawag ti sumilsileng, pudno a kasla maysa daytoy a tay-ak dagiti bituen. Inurayna ti mata ti maysa nga ubing a kumita kadagitoy, ngem addada idia. Ket manipud iti dayta a kanito, idi immuneg ti lelong iti daytoy a siled ket timmangad, nakitana no ania ti saanna pay pulos nakitkita idi.

Sumsumrektayo iti sabali pay a nakaskasdaaw a panawen ti Paskua a napnuan kadagiti musika ken silaw, kadagiti pasken ken sagsagut. Ngem maiduma iti amin a tattao, datayo a kas miembro ti simbaan a mangik-ikut iti nagan ti Mangisalakana ket kasapulan a kumitatayo iti labes ti akinruar a pannakaiparang ti panawen ti paskua ken kitaentayo ti nangayed a kinapudno ken kinapintas daytoy a panawen ti tawen.

Mano ngata idia Betlehem ti makaammo nga idia mismo, iti asidegda, ti naikaipasngayan ti

Mangisalakana? Ti Anak ti Dios, ti nabayagen nga inur-uray ken naikari a Mesias—ket adda Isuna iti nagbabaetanda!

Malagipyo kadi no ania ti imbaga ti anghel kadagiti agpaspastor? “Nayanak kadakayo idia ili ni David ti maysa a Manangisalakana, isu ti Cristo nga Apo.” Ket kinunada iti bagbagida, “Intayo ngarud idia Betlehem, ket kitaentayo daytoy a naaramid” (Lucas 2:11, 15).

Kas kadagiti agpaspastor idi punganay, masapul a sawentayo iti puspusotayo, “Kitaentayo koma daytoy a naaramid.” Masapul a tarigagayantayo daytoy iti puspusotayo. Kitaentayo koma ti Maysa a Nasantuan ti Israel iti kulloong, iti templo, iti rabaw ti bantay, iti krus. Kas kadagiti agpaspastor, itandudo ken idaydayawtayo koma ti Dios gapu kadagitoy a damdamag maipapan iti naindaklan a rag-o!

No dadduma dagiti karigatan a bambanag a makitatayo ket isu dagitay mismo nga adda a kanayon iti imatangtayo. Kas iti lelong a napaay a nakakita kadagiti bituen iti kisame, no dadduma ditayo met makita dagiti nalawag a makita.

Datayo a nakakitan iti nagloriaan a mensahe mapanggep iti yaay ti Anak ti Dios, datayo nga imawatien iti bagbagitayo ti naganna ken nakitulagen a magnatayo iti dalanna a kas disipulona—nasken a saantayo a mapaay a manglukat iti puspuso ken

pampanunottayo ket sipupudno a kumitatayo Kenkuana.

Nakaskasdaaw ti panawen ti Paskua iti adu a wagas. Daytoy ti panawen ti naasian a panagaramid kadagiti aramid a kinaimbag ken nainkabsatan a pammateg. Daytoy ti panawen ti panagbalintayo a managutob maipapan iti bukodtayo a panagbiag ken maipapan kadagiti adu a parabur nga awawatentayo. Daytoy ti panawen ti panangtedtayo iti pammakawan ken pannakapakawan. Daytoy ti panawen a panagragragsaktayo kadagiti musika ken silaw, kadagiti pasken ken sagsagut. Ngem ti silengsileng ti panawen ket saan koma a mangpakudrep wenno mangpalidem iti panagkitatayo ken manglapped kadatayo iti pudno a panangimatangtayo iti Prinsipe ti Kappia iti kinatan-okna.

Aramidentayo amin koma daytoy a panawen ti Paskua ita a tawen a maysa a panawen ti panagrag-o ken panagrambak, maysa a panawen a pakabigbigantayo ti milagro a ti Mannakabalin a Diostayo ket imbonna ti Bugbugtong nga Anakna, a ni Jesucristo, tapno mangsubbot iti lubong!

DAGITI KAPANUNOTAN PARA ITI PANANGISURO MANIPUD ITI DAYTOY A MENSAHE

1. "Dagiti aktibidad a pangawis iti panagdengngeg ket mabalin a mausar a pangparnuay iti interes ken makatulong kadagiti sursuruan a mangipamaysa iti panagdengngegda iti topiko ti adalen. . . . Dagiti ladawan ket napateg a ramit para iti panangpapigsa iti kangrunaan a kapanunotan ti maysa nga adalen ken pangtulong kadagiti sursuruan nga agtalinaed iti kinapasnekda" (*Teaching, No Greater Call* [1999], 160, 176). Bayat ti panangrugim iti panangiburay iti daytoy a mensahe, ibilangmo ti panangusar iti aktibidad a pangawis iti panagdengngeg kas iti panangipakita iti maysa a ladawan wenno panangiburay iti maysa a nasantuan a kasuratan wenno panangkiddaw iti maysa a familia a mangpanunot no kasano a mayaplikar daytoy iti mensahe.

2. "Maysa koma kadagiti kapatgan a panggepmo a tun-oyen ket mangtulong kadagiti dadduma a mangyaplikar kadagiti pagbatayan ti ebanghelio kadagiti inaldaw a kasasaad. . . . Tulongam dagiti sursuruan

a mangtakuat kadagiti parabur a sumangbay no agtungpaltayo iti ebanghelio" (*Teaching, No Greater Call*, 159). Kalpasan ti panangiburay iti daytoy a mensahe, ibilangmo ti panangawis kadagiti miembro ti pamilia tapno iburayda dagiti padasda bayat ti panangipamaysa maipapan iti Mangisalakan kabayatan ti panawen ti Paskua.

AGTUTUBO

Paskua ti Misionario

Ni Loran Cook

Bayat ti maikadua a Paskuak a kas maysa a full-time a misionario, sumarsarungkarkami iti kaduak iti maysa a kabumbuniag a miembro ken ti pamiliana. Kalpasan ti dakkel a pangrabii ti Paskua, imburaymi kadakuada ti maysa a mensahe ti Paskua.

Kiniddawmi iti pamilia a mangidrowingda kadagiti banag a mangipalagip kadakuada iti panawen ti Paskua, kas kadagiti bitbituen, sagsagut, pannakaipasngay, ken dagiti Christmas tree. Kalpasanna binasami ti sumagmamano a nasantuan a kasuratan, agraman ti 2 Nephi 19:6: "Ta nayanak kadatayo ti maladaga, maited kadatayo ti anak a lalaki; ket maipabaklayto kenkuana ti panangituray; ket maawaganto iti Nakaskasdaaw, Mamagbaga, Ti Naindaklan a Dios, Ti Agnanayon nga Ama, Ti Prinsipe ti Kappia." Kinantami ti "Once in Royal David's City" (*Hymns*, no. 205), binuyami ti pelikula maipapan iti Pannakaipasngay, ket imburaymi ti pammaneknek maipanggep ken ni Jesucristo.

Daytoy ket maysa a Paskua kadagiti simple a kasasaad, nga adayo manipud kadagiti pamilia ken kadagiti gagangay a parambak ti Paskua, ngem bayat ti panangiburaymi iti pammaneknek maipapan iti Mangisalakan, nariknak ti naun-uneg a panagayat ken panagyaman Kenkuana ken iti pannakayanakna ngem iti pannakaammok kasakbayanna. Naamirisko a daytoy ti maudi a Paskuak nga addaak iti panagserbi a kas full-time a misionario iti Nailangitan nga Amak, ngem naawatak a makapagpaneknek kaniak ti Espirituna maipanggep iti Anakna uray sadino man ti ayanko.

Panangsapul a Mangkita iti Mangisalakan

Kinuna ni Presidente Uchtdorf nga iti panawen ti Paskua nasken a sapulentayo dagiti banag a mangipalagip kadatayo maipanggep iti biag ti Mangisalakan. Sapulen kadagiti reperensia ti nasantuan a kasuratan iti baba tapno sursuruen ti sumagmamano a napapateg a pasamak iti biagna.

Mateo 2:1–2

Lucas 2:46

Mateo 15:32–38

Lucas 8:49–55

Lucas 23:33–34, 44–46

Juan 20:11–20

© 2010 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/09. Pannakaanamongna a maipatarus: 6/09. Pannakaipatarus ti *First Presidency Message, December 2010*. Ilokano. 09372 864



Ti Pagrebbengantayo a Makiramam iti Aramid iti Templo ken Pakasaritaan ti Pamilia

Pammati • Pamilia • Tulong

Adalem daytoy a material ken, no mayannatup, ilawlawagmo daytoy kadagiti kakabsat a babbai a sarungkaranyo. Usarem dagiti saludsod a makatulong kenka a mangpapiagsa kadagiti kakabsat a babbai ken tapno mangaramid iti Relief Society kas aktibo a paset ti bukodmo a biag.

Kadagiti napalabas a siglo adu ka tattao ti natay nga awan ti ammoda maipapan iti ebanghelio. Sumagmamano kadagita a tattao ket isu dagiti nasinged ken adayo a kabagyam. Agur-urayda kenka a mangaramid iti napateg a panagsukisok tapno mabegkes a sangkamaysa dagiti pamiliam ken mangannong kadagiti pangisalakan nga ordinansa nga agpaay kadakuada.

Kaaduan kadagiti templo ti lubong ket bassit laeng ti agipatpatungpal iti daytoy nga aramid. Inkari ti Apo a maisublinto ti puspusoyo kadagiti amma tapno saanto a naan-anay a madadael ti daga iti yaayna (kitaen iti DkK 2:2–3).

Adda dagiti bukod a bendision nga awatem kas bunga ti pannakiramanmo iti aramid iti templo ken pakasaritaan ti pamilia. Maysa kadagitoy ket ti rag-o a mariknam bayat ti panagserbim kadagiti kapuonam. Maysa pay ket ti pannakabaelmo a maikari iti maysa a rekomenda ti templo, a mangitanda iti pannakakarim iti imatang ti Apo. Dagitay saan a maikari ita iti pribilehio a panangikut iti maysa a rekomenda ket kasapulanda ti mangitrabaho iti maysa a bishop wenna branch president tapno maikarida iti kabititan a panawen no mabalina. Dikayo maaddaan no awan daytoy napateg

unay a kasapulan. Paneknekak nga agpaypayso ti Pannubbot ken mabalina a mapakawan dagiti basbasol babaen iti umisu a panagbabawi.

Bayat ti pannakiramantayo iti aramid iti templo ken pakasaritaan ti pamilia, awan duadua nga adda kadaytoy ti Espiritu a mangliwliwa kadaytoy kadagiti pannuboktayo ken mangtarabay kadaytoy kadagiti napapateg a panggeddeng. Ti aramid iti templo ken pakasaritaan ti pamilia ket paset ti aramiditayo a panangipaay iti tulong, wenna serbisio, kadagiti bukotayo a kapuonan.

Ni Julie B. Beck, sapsap a presidente ti Relief Society.

Manipud kadagiti Nasantuan a Kasuratan

Malakias 4:5–6; 1 Taga-Corinto 15:29; 1 Pedro 3:18–19; DkK 110:13–16; 128:24

Manipud iti Pakasaritaantayo

“Kinuna ni Propeta Joseph Smith, ‘Ti kaindaklan a pagrebbengantayo iti daytoy a lubong nga insangrat ti Dios kadaytoy ket ti panangsapultayo kadagiti pimmusayen a kabagian-tayo’ (*History of the Church*, 6:313). Manipud pay idi rugina, sinuportaranen dagiti kakabsat iti Relief Society daytoy naindaklan nga aramid. Idiyau Nauvoo idi 1842, ti tarigagay ni Sarah

M. Kimball a makatulong kadagiti trabahador iti pannakapatakder ti templo ket nangguuyogoy iti grupo dagiti kakabsat a babbai a mangbuangay iti bagbagida tapno makapagserbida a nasamsamay. Bayat ti panangirugida nga agtataripnong, ti Propeta . . . binukelna ti umuna a Relief Society a maibatay iti pagtuladan ti priesthood. Manipud iti dayta a panawen, agtul-tuloy a nagtinnulong dagiti kakabsat iti Relief Society a nangpadur-as iti aramid iti Templo ti Nauvoo. . . .

“Idi 1855, walo a tawen kalpaskan ti isasangpet dagiti Santo iti Utah, naipasdek ti Endowment House. Ni Eliza R. Snow, a maysa kadagiti sigud a miembro ti umuna a Relief Society ken nangtaginayon kadagiti kasuratan dayta a timpuyog, ket inawagan ni Presidente Brigham Young idi 1866 tapno agbalin a sapsap a presidente ti Relief Society. Isuna ken dagiti dadduma pay a kakabsat a babbai ket napudnoda a trabahador iti Endowment House. Kalpasa-sanna, bayat ti pannakaileppas dagiti Templo ti St. George, Logan, ken Manti, nagbiahe dagitoy a kakabsat a babbai iti tunggal templo tapno makaaramidda iti trabaho nga agpaay kadagiti pimmusayen idiyau.”¹

NAGADAWAN

1. Mary Ellen Smoot, “Family History: A Work of Love,” *Ensign*, Mar. 1999, 15.

Ania ti Maaramidko?

1. Kasano a matulongak dagiti kaka-satko a babbai a mangsukisok kadagiti kapuonanda ken mangannong kadagiti ordinansa iti templo nga agpaay kadakuada? Ibilangmo dagiti kasasaad ti tunggal kabsat a babai bayat ti panangutobmo no kasano a maipaay dagiti kasapulanna. Mabalín nga ibilangmo a ti aramid iti pakasaritaan ti pamilya ket masansan a makapapigsa kadagiti kabarbaro, agsubsublin, ken saan unay nga aktibo a miembro.

2. Kaano a naliwliwanak kadagiti pannubokko wenno natarabaynak kadagiti napapateg a panggeddeng ti aramid iti templo ken pakasaritaan ti pamilya?

Para iti ad-adu pay a pakaammo, inkayo iti www.reliefsociety.lds.org.